




Fongv Mingh Wuov Ndaangc taux Baengh Fim Zipv Zoux Liangx-ndeic Ndaou yiem California

**California Baengh Fim Yiem Zipv Zoux Liangx-
ndeic Ndaou Lorz Za'eix Zorc nyei Guanh bun daaih
nyei waac-dengv**

Gorngv-zunh nyei Nzutv Norz Waac



Gorngv muonc caux toux nyei gorngv-zunh se maaiah yiem Meiv
Guoqv Waac caux gorngv-zunh nyei nzutv norz waac se maaiah yiem
camv-fingx waac haih koi mangc yiem naaiv: bit.ly/ALETF-about

Mingh mangc ndeic caux Lorz Za'eix Zorc nyei Guanh nyei gong-mienh Thea Rittenhouse yiem Tijuana River Valley longc njaaux nyei ndeic yiem San Diego



Lorz Za'eix Zorc nyei Guanh nyei Zueiz Zorng Mienh Nelson Hawkins caux TAC Ndeic nyei Ziouv yiem Allensworth



Hukama Ndeic-ziouv caux Lorz Za'eix Zorc nyei Guanh nyei gong-mienh Ruth Dahlquist caux Irene de Barraicua yiem Hukama Ndeic yiem Ramona



Lorz Za'eix Zorc nyei Guanh nyei gong-mienh caux mingh mangc ndeic yiem Blue Lake Rancheria Daluviwi' Community Garden yiem Blue Lake



Ndeic-ziouv, Lorz Za'eix Zorc nyei Guanh nyei gong-mienh Qi Zhou caux Nathaniel Brown, caux tengx nyei gong-mienh yiem biau-vaeng yiem Gilroy





Mangc Cou

California buangh jienv mv baengh fim taux zipv zoux liangx-ndeic nyei ndau dongh oix qiemx zuqc liuc leiz siepv.

Duqv ziex ziepc nin-zingh, maaiah zoux liangx-ndeic mienh caux Meiv Guoqv Buonv-deic Fingx goux longx ndau mienh camv nyei zuqc laanh jienv taux maaiz caux siou zoux liangx-ndeic nyei ndau weic zuqc ninh mbuo nyei setv zeiv, mienh fingx, m'jancg a'fai m'sieqv, haaix nzaangh mienh, caux maaiah bieqc deic-bung nyei sou fai, caux maaiah ziex nyungc. Ih zanc hnoi, weic maiv baengh fim yiem duqv zipv zoux liangx-ndeic nyei ndau se la'nyauv camv jienv faaux weic butv-zoih mienh maaiz daaih gapv zunv weic zornc nyaanh, lungd diev tiuv, caux la'nyauv nyei leiz. Naaiv deic i kang jauv zoux bun maaiah waaic njiec yiem zoux liangx-ndeic nyei laangx zaangc caux saengv nyei saeng-eix.

California Baengh Fim Zipv Zoux Liangx-ndeic Ndaul Lorz Za'eix Zorc nyei Guanh se duqv liepc daaih lengc nyei yiem California Budget Act of 2022 (**AB 179**) weic fungx waac-dengv bun Zungx caux Liepc Doz-leiz Jien oix zuqc hnaangv haaix nor liuc leiz taux maiv baengh fim yiem zipv zoux liangx-ndeic ndaul la'nyauv nyei jauv. Yiem Ziepc Hlaax 2023 mingh taux Ziepc Nyeic Hlaax 2025, naaiv norm Lorz Za'eix Zorc nyei Guanh duqv buangh caux domh zuangx maaiah horpc fim dongh eix nyei yiem 12 norm domh zuangx wuic tong California saengv liuz siou duqv waac-dengv. Maaiah gauh camv 400 buonc zoux liangx-ndeic mienh, California Meiv Guoqv Buonv-deic Fingx bieiv-zeiv, caux camv-guanh yiem camv-fingx nyei gapv zunv koi wuic, ca'laangh, tong fiengx, zaah waac, caux maaiah kaeqv mienh taan za'eix.

Lorz Za'eix Zorc nyei Guanh nyei setv mueiz nyei gorngv-zunh se fungx bieqc yiem Ziepc Nyeic Hlaax 2025, maaiah gorngv taux zinh ndaangc caux ih jaax hnoi maaiah maiv baengh fim yiem zipv zoux liangx-ndeic ndau yiem California, caux maaiah waac-dengv porv taux hnaangv haaix nor liuc leiz saengv nyei leiz taux maiv baengh fim yiem zipv zoux liangx-ndeic ndau nyei sic. Naaiv deix waac-dengv benx za'eix bun dingc zuqc pienx nyei zoux liangx-ndeic mienh caux Meiv Guoqv Buonv-deic Fingx goux longx ndau mienh haih maaiz duqv jiex ndau bun zuangx lai-hnaangx, fei caux suix-ndiangx, ndie-miev, caux ganh nyungc ei ninh mbuo qiex zuqc nyei maiv bun maaiah laanh, maiv baengh fim, a'fai zuqc pienx nyei jauv.

Naaiv deix waac-dengv se bun benx juqv kang:



Zorqv Meiv Guoqv Buonv-deic Fingx goux longx ndau caux fungx ndau nzuonx nyei jauv benx longc jienv nyei sic.



Liepc nyaanh caux tengx nyei za'eix bun zuqc pienx nyei zoux liangx-ndeic mienh caux Meiv Guoqv Buonv-deic Fingx goux longx ndau mienh maaiz ndau.



Dingh, zorc, caux tuix gapv zunv zoux liangx-ndeic nyei ndau.



Siou longx California nyei zoux liangx-ndeic ndau yaac zorqv baengh fim zipv caux goux longx ndau benx longc jienv nyei sic.



Zorqv benx longc jienv caux beu jienv taux zipv ndau weic lauh ndaauv.



Dengv zoux liangx-ndeic yiem mungv.

Ei jienv naaiv deix waac-dengv liuc leiz se haih tengx duqv yietc zungv California mienh duqv longx weic zoux bun maaiah baengh fim yiem lai-hnaangx, zoux bun buonv-deic zoux liangx-ndeic caux saeng-eix henv, yaac bun ndau maaiah wangc siangx.



Applai Fingx nyei Ndeic &
Huingx yiem San Diego

Longc jienv nyei waac

Baengh fim yiem zoux liangx-ndeic ndau

Baengh fim yiem zoux liangx-ndeic ndau se dongh zuqc pienx nyei zoux liangx-ndeic mienh caux Meiv Guoqv Buonv-deic Fingx goux longx ndau mienh duqv maaiz ndau, maaiz duqv jiex, caux siou duqv lauh weic zuangx lai-hnaangx, fei caux suix-ndiangx, ndie-miev, caux ganh nyungc ei ninh mbuo qiemx zuqc nyei, maiv bun maaih laanh, maiv baengh fim, a'fai pienx nyei jauv.

Zuqc pienx nyei zoux liangx-ndeic mienh caux Meiv Guoqv Buonv-deic Fingx goux longx ndau mienh

Dongh yiem douh zong zuqc laanh jienv taux maaiz caux siou zoux liangx-ndeic ndau bun zoux liangx-ndeic caux Meiv Guoqv Buonv-deic Fingx longc ei ninh mbuo qiemx zuqc nyei. Naaiv guanh se liemh jienv zoux liangx-ndeic caux yungz saeng-kuv mienh (**AB 1348**) dongh maaih caa camv caux maiv nangc duqv zipv tengx wuov deix zoux liangx-ndeic mienh (**H.R. 2**). Naaiv yaac liemh jienv zoux liangx-ndeic nyei gong-mienh caux dongh oix jiex gorn ninh mbuo ganh zoux liangx-ndeic nyei saeng-eix wuov deix.



1. Zorqv Meiv Guoqv Buonv-deic Fingx goux longx ndau caux fungx ndau nzuonx benx longc jienv nyei sic.

Guoqv zangc hungh jaa zieqv duqv a'fai maiv zieqv duqv nyei Meiv Guoqv Buonv-deic Fingx yiem California se maaih douh zong taux maaih da'hauv nyei jauv caux California Saengv, zoux bun maaih dornx camv qiemx zuqc zorc taux baengh fim zipv zoux liangx-ndeic nyei ndau. Dongh liepc California saengv wuov zanc, Buonv-deic Mienh se zuqc hoic, zoux haeqv, daix, caux zunc cuotv ninh mbuo ganh nyei ndau caux ninh mbuo yiem guenx nyei dornx. Maiv zipv nyei ngaengc waac, junh baeng zunc, maiv baengh fim nyei leiz-late zoux bun Meiv Guoqv Buonv-deic Fingx ndortv ninh mbuo nyei ndau caux lingc.¹ Ih jaax hnoi Meiv Guoqv Buonv-deic Fingx duqv zipv deix dien ndau dongh zinh ndaangc ninh mbuo goux longx nyei, maiv maaih lingc Gunv Ganh nyei Fingx, guei-jei, caux goux longx ndau caux lungh ndiev.

Weic maaih laanh nyei jauv nzipc jienv mingh maiv bun Meiv Guoqv Buonv-deic Fingx yiem California haih maaiz ndau, naaiv qiemx zuqc saengv ziepc zuoqv nyei dau naaiv deix sic yiem ndaauv mingh wuov ndaangc. Fungx ong-taax nyei ndau nzuonx bun Meiv Guoqv Buonv-deic Fingx se bun ninh mbuo haih duqv zipv dongh ninh mbuo qiemx zuqc nyei yiem ndie-miev, lai-miev, saeng-kuv, caux bun ninh mbuo aengx goux longx ndau bun ninh daaux nqaang nzuonx hnaangv lox wuov nor, benx ninh mbuo baaix zaangc nyei dornx, bun ndau longx, caux maaih zix nyungc gaeg-zuangx hieh zoih.

Oix taaih Meiv Guoqv Buonv-deic Fingx bun ninh gunv ganh nyei fingx, oix zuqc fungx ninh mbuo ong-taax nyei ndau nzuonx oix zuqc maiv dungx maaih laanh a'fai maaih haaix nyungc nengx jienv, caux maaih ziepc zuoqv hnyouv, horpc a'louc maaih waac-naaic caux jiu tong caux Meiv Guoqv Buonv-deic Fingx yiem California.

Waac-dengv

1.1 Liepc Nyaanh Weic Zorc Ndaun Nzuonx Hnangv Ong-taax Yiem Nyei Ziangh Hoc

1.2 Zorqv zorc ndau nzuonx hnangv ong-taax yiem nyei ziangh hoc bun California Meiv Guoqv Buonv-deic Fingx an jienv saengv nyei zingx leiz caux gorn.

1.3 Fungx domh zuangx zipv jienv nyei ndau nzuonx bun California Meiv Guoqv Buonv-deic Fingx.

1.4 Bun lingc caux dengv taux longc Loz-hnoi Goux Longx Lungh Ndiev nyei Wuonh Zaang caux zong-zei.



2. Liepc nyaanh caux tengx nyei jauv bun zuqc pienx nyei zoux liangx-ndeic mienh caux Meiv Guoqv Buonv-deic Fingx goux longx ndau mienh haih maaiz ndau.

Taux 2025, 40% gorqc zeic gunv nyei zoux liangx-ndeic nyei ndau oix tiuv ziouv weic ndau-ziouv gox liuz dingh gong aqv.² Se gorngv maiv maaih mbenc ziangx cing nyei za'eix nor, naaiv kang tiuv nyei ziangh hoc haih zoux bun maiv baengh fim yiem zipv ndau nyei jauv jaa nyaav jienv mingh. Betv-ziepc nyeic gouv zoux liangx-ndeic nyei ndau se janx-baeqv gunv nzengc, liuz jiex mingh wuov deix yietc zungv fingx gapv nzunv duqv gunv 18% hnangv.³

Jiex daaih nyei maiv baengh fim nyei douh zong – liemh jienv Meiv Guoqv Buonv-deic Fingx zuqc zunc biaux, zorqv ndau yiem Meiv Guoqv nyei Janx-jiev, zorqv yiem Meiv Guoqv nyei Janx-ih Bernv mingh dapv loh, caux hoic zoux gong mv koi zinh – naaiv nzipc jienv mingh benx aqc nyei jauv caux laanh jienv bun ih jaax hnoi nyei zuqc pienx nyei zoux liangx-ndeic mienh caux Meiv Guoqv Buonv-deic Fingx goux longx ndau mienh maiv haih gaav duqv nyaanh, zipv tengx, caux zipv ndau. Zoux liangx-ndeic nyei ndau nyei jaax-zinh faaux 28.3% yiem 2018 wuov daaih, se benx yietc kang aqc jiex laanh jienv zuqc pienx nyei zoux liangx-ndeic mienh caux Meiv Guoqv Buonv-deic Fingx goux longx ndau mienh maiv haih maaiz duqv ndau.⁴ Oix haih caeqv nqoi naaiv deix laanh nyei jauv se qiemx zuqc maaih lengc jeiv dengv nyei za'eix dongh maiv zeix kungx zieqv duqv jiex daaih nyei dorngc caux nzipc jienv mingh nyei maiv baengh fim hnangv mv baac jiex gorn liuc leiz zorc ei dongh waac-dengv nyei za'eix.

Waac-dengv

2.1 Liepc Zorc Ndaou Longx Nzuonx nyei Nyaanh

2.2 Ceix caux dengv taux bun domh zuangx hoqc hiuv taux fiev njiec sou taux jiex daaih caux nzipc jienv mingh nyei waaic.

2.3 Bun nyaanh maaiz zoux liangx-ndeic nyei ndau daaih gouv cuotv a'fai bun zuqc pienx nyei zoux liangx-ndeic mienh caux Meiv Guoqv Buonv-deic Fingx goux longx ndau nyei mienh.


2.4 Liepc gaav nyaanh caux guangc zaeqv nyei gorn.

2.5 Liepc siang-nzou-zinh gorn caux tengx nyei jauv bun taux zuqc pienx nyei zoux liangx-ndeic mienh caux Meiv Guoqv Buonv-deic Fingx goux longx ndau nyei mienh.

2.6 Mv dingh liouc nyei zaah samx mangc caux zorc longx faaux taux tengx nyaanh caux kuinx mienh nyei gorn.

2.7 Koi jangv tengx nyei jauv bun mienh haih maaiz ndau camv faaux.

Yietc zungv zoux ndeic nyei ndau yiem California maaib mb'ziex gouv se benx naaiv deix fingx gunv nyei (2022)⁵



Bun Hiuv: Dimv fingx se benx "lengc a'fai yiem zorpc nyei ganh fingx"

Gaeqv nqinh nqou biouv yiem Santa Maria





3. Dingh, zorc, caux tuix gapv zunv zoux liangx-ndeic nyei ndau.

Hlaau zunv zoux liangx-ndeic nyei ndau caux longc jienv haic nyei seix zangc ganh cuotv daaih nyei ga'naaiv daaih weic zoux saeng-eix zornc nyaanh hnangv se benx dongh hlo jiex nyei sic zoux bun maiv baengh fim yiem zipv zoux liangx-ndeic nyei ndau. Gauh camv (63.5% yiem 2017) yiem California nyei zoux liangx-ndeic mienh gunv 50 ndorqc a'fai gauh hepc, liuz 4.6% gunv nzengc a'lamh deix ndaamv-buonc yietc zungv zoux-liangx ndeic nyei ndau.⁶

Jiex daaih i ziex ziepc hnyangx duqv buatac zoux liangx-ndeic nyei ndau zuqc hlaau zunv camv faaux. Soux hoc piux mengh ndeic-hepc wuov deix zoqc njiec 13% yiem 2017 mingh taux 2022, liuz ndeic-jangv wuov deix camv faaux.⁷ Dongh hepc caux mb'ndongx-hoc nyei ndeic zuqc maaiz hlaau zunv benx i ziex nzong domh ndeic hnangv, naaiv zoux bun waaic yiem laangx nzaangc nyei saeng-eix, yiem ndau-beih nyei sic, caux wangc siangx.

Hlaau zunv zoux liangx-ndeic nyei ndau weic zoux saeng-eix zornc nyaanh nyei za'eix tiuv mingh zorqv zoux liangx-ndeic nyei ndau yiem zuangx ga'naaiv nyanc, ndie-miev, caux tengx laangx nzaangc qiexm zuqc nyei, tiuv mingh benx domh gong-gorn caux gorqc zeic butv zoih mienh longc zoux saeng-eix hnangv.

Naaiv deix jauv la'nyauv camv jienv faaux weic zuqc maaiv maiv baengh fim nyei zingx leiz duqv ziex baeqv hnyangx bun maaiv nyei mienh zorqv a'fai pienx zoux liangx-ndeic mienh caux Meiv Guoqv Buonv-deic Fingx goux longx ndau mienh taux ninh mbuo nzipc torngx nyei butv zoih nyei jauv.

Waac-dengv


3.1 Laanh jienv maiv bun zornc nyaanh nyei saeng-eix gorn maaiz ndau camv.

3.2 Liepc zingx leiz bun zuqc pienx nyei zoux liangx-ndeic mienh caux Meiv Guoqv Buonv-deic Fingx goux longx ndau nyei mienh haih duqv maaiz ndau ndaangc.


3.3 Liepc Dingh Gong Nyaanh weic California zoux ndeic mienh.

3.4 Liepc nyaanh ceix gorn daaih dimv zaah mangc taux maaiz maaic zoux ndeic ndau.

Yietc zungv zoux ndeic nyei ndau yiem California se maaih ndongc haaix jangv caux haaix guanv gunv gauh camv (2017)⁸



Yietc zungv ndeic yiem California maaih mb'ziex caux ndongc haaix jangv yiem 2017 caux 2022⁹





4. Siou longx California nyei zoux liangx-ndeic ndau yaac zorqv baengh fim zipv caux goux longx ndau benx longc jien nyei sic.

California nyei zoux liangx-ndeic ndau se buangh cuotv hiuang weic zuqc ceix mungv caux ih jaax hnoi zoux ndeic nyei za'eix zoux bun waaic jienv mingh duqv ziex baeqv hnyangx. California duqv ndortv gauh camv 1.6 ziux ndorqc zoux liangx-ndeic caux yungz saeng-kuv nyei ndau yiem 1984 mingh taux 2018, weic zuqc ceix mungv nyei jauv zoux bun zoux liangx-ndeic nyei ndau zitc njiec 75%.¹⁰ Saengv longx jiex nyei zoux liangx-ndeic ndau se zitc njiec camv jiex ei ndau-ndorqc. Oix zorc taux naaiv deix zoux liangx-ndeic nyei jauv dongh zoux bun ndau waaic duqv ziex baeqv nin-zingh wuov, saengv nyei moux deic oix zuqc beu taux yiem ndau-ndiev nyei wuom wuov nor nziex oix zuqc zorqv cuotv 500,000 mingh taux 1 ziux ndorqc zoux liangx-ndeic nyei ndau.¹¹

Weic naaiv, California Saengv duqv liepc moux deic daaih yietc hnyangx siou 12,000 ndorqc zoux liangx-ndeic nyei ndau caux 33,000 ndorqc gemh nyei ndau jiex gorn yiem 2030, caux oix jaa camv faaux yiem wuov ndaagc hingv.¹² Naaiv deix sic caux ganh nyungc zorc taux yiem naaiv ndau-beih nyei sic oix maaiah tong saengv nyei za'eix liepc daaih toux nyei liuc leiz taux ndau liemh domh zuangx gunv nyei caux gorqc zeic gunv nyei caux guv jienv taux bun

qangx zuqc pienx nyei zoux liangx-ndeic mienh caux Meiv Guoqv Buonv-deic Fingx goux longx ndau mienh haih maaiz ndau.

Waac-dengv

4.1 Liepc tong saengv siou liouh zoux liangx-ndeic ndau caux goux longx ndau nyei za'eix.

4.2 Zorc longx zanv ndau nyei gorn caux za'eix bun mienh haih baengh fim nyei maaiz caux goux longx ndau.

4.3 Dengv buonv-deic nyei za'eix weic zanv caux goux longx zou liangx-ndeic nyei ndau.

4.4 Koi jangv caux bungx fong saengv caux buonv-deic hungx jaa nyei zingx leiz bun mienh haih baengh fim nyei nzou domh zuangx nyei ndau.



5. Zorqv benx longc jienv caux beu jienv taux zipv ndau weic lauh ndaauv.

Oix mingh duqv taux moux deic bun maaih baengh fim yiem zipv zoux liangx-ndeic nyei ndau, qiex zuqc bun mienh haih siou ndau lauh ndaauv, leiz-latc haih dengv, caux bun mienh haih bangc ndeic haih yungz duqv hmuangv doic. Maaih camv-buonc zuqc pienx nyei zoux liangx-ndeic mienh caux Meiv Guoqv Buonv-deic Fingx goux longx ndau mienh nzou ndau dangh baav hnavg a'fai maiv maaih tong zuangx nzou ndau nyei ngaengc waac, naaiv zoux bun ninh mbuo maiv puix duqv zipv nyaanh tengx zoux bun ninh mbuo maiv jorm hnyouv oix lorz longx nyei za'eix caux liuc leiz zorc ndau. La'nyauv caux zietc haic nyei zingx leiz taux longc ndau nyei jauv caux maiv maaih biauv yiem zoux benx aqc haic bun mienh haih maaiz duqv ndau weic zoux liangx-ndeic nyei saeng-eix.

Oix hingh jiex naaiv deix laanh nyei jauv qiex zuqc baengh fim nyei nzou ndau nyei ngaengc waac daan, zingx leiz liepc daaih puix duqv horpc nyei, bungx fong deix taux longc ndau nyei leiz, caux maaih tengx nyei jauv liepc daaih weic ndaauv wuov hingv caux goux longx ndau.

Waac-dengv

5.1 Liuc leiz sic dongh cuotv daaih yiem ndau-ziouv caux nzou ndau nyei mienh.

5.2 Koi jangv zoux gong nyei jauv bun California Nyanc Hopv caux Zoux Liangx-ndeic (CDFA) Baengh Fim Gorn

5.3 Liepc nyaanh weic cingv buonv-deic gong-mienh tengx muangx sic caux daav za'eix tengx liuc leiz sic.

5.4 Liuc leiz taux maiv baengh fim nyei zingx leiz zoux cuotv daaih nyei sic yaac tongx nimc leiz-latc nyei moux deic.

5.5 Dengv buonv-deic hungv jaa liepc longc ndau nyei zingx leiz bun haih goux longx ndau wuov deix mienh haih siou ndau lauh mv ndortv.



Yo'Ville Domh Zuangx Huingx caux Ndeic yiem Fresno



6. Dengv zoux liangx-ndeic yiem mungv.

California nyei mungv caux ziqc mungv se maaih aqc nyei jauv caux longx nyei ziangh hoc bun fongv mingh wuov ndaangc taux baengh fim yiem duqv zipv zoux liangx-ndeic nyei ndau. Bun zoux liangx-ndeic yiem mungv se maaih ziex nyungc longx nyei jauv beiv hngangv mienh haih duqv longx nyei nyanc hopv, laangx nzaangc mienh duqv maaih jiu tong, ceix gong bun mienh zoux, caux koi jangv taux maeng nyei ndau-deic. Zoux liangx-ndeic yiem mungv nyei mienh caux Meiv Guoqv Buonv-deic Fingx goux longx ndau mienh haih duqv zipv longx nyei jauv weic ninh mbuo maaih qangx zoux gong nitv fatv dongh tengx ninh mbuo maaiz ga'naaiv nyei mienh yiem ninh mbuo nyei laangx dongh ninh mbuo fux-sux wuov deix.

Mv gunv haih duqv zipv camv-nungc longx nyei jauv, mv baac maaih ziex nyungc laanh jienv zoux liangx-ndeic yiem mungv, liemh laanh jienv maiv duqv zipv nyaanh tengx, wuom-jaax jaaix, caux longc ndau nyei zingx leiz zietc haic. Siang nyei zingx leiz, beiv hngangv California Nyanc Hopv caux Zoux Liangx-ndeic (CDFA) yiem Mungv Liangx-ndeic Nyaanh Gorn caux 2024 Hungx Jaa Zornc Nyaanh Weic Zorc Lungh Ndiev (Bun Mienh Ginv Nyei Za'eix 4), bun dongh qiemx zuqc haic tengx nyei nyaanh. Cuotv liuz tengx zinh nyaanh,

guoqv jaa nyei leiz oix zuqc tiuv daaih dongh mbenc za'eix ceix mungv nyei ziangh hoc oix zuqc liemh jienv zoux liangx-ndeic yiem mungv, zanv njiec zingx leiz dongh laanh zuqc nyei, caux bun dingc maaih baengh fim nyei zipv caux siou ndau weic lauh ndaauv bun zoux ndeic yiem mungv nyei mienh.

Waac-dengv

6.1 Bun dingc yiem mungv nyei zoux ndeic mienh caux Meiv Guov Buonv-deic Fingx goux longx ndau nyei mienh haih zipv tengx puix ninh mbuo qiemx zuqc nyei.

6.2 Bun ndau mienh zoux ndeic yiem mungv caux liepc zorqv nqoi dongh laanh zuqc ninh mbuo haih siou ndau lauh wuov.

Ziepc Yietv yiem 13 Laanh nyei Guanh weic Lorz Za'eix Tengx Ceix Faux nyei gong-mienh yiem Sacramento



Jiex Mingh Nyei Zaux-kaqv: Ei Jienv Zoux caux Zaah Samx Mangc

Waac-nyioux, gouv, caux waac-dengv yiem naaiv zeiv California Baengh Fim Zipv Zoux Liangx-ndeic Nda Lorz Za'eix Zorc nyei Guanh nyei gorngv-zunh tengx jiex gorn ceix ndiouh weic wuov ndaangc hingv nyei gong-bou. Gauh camv jiex, oix naaiv deix za'eix benx cuotv siepv caux puix duqv horpc naaiv deix waac-dengv se yiem saengv nyei jien zorc leiz-latc. Liepc leiz-latc jien horpc zuqc gorngv mengh nyei taux dengv goux longx zoux liangx-ndeic nyei ndau weic bun zuqc pienx zoux liangx-ndeic mienh caux Meiv Guoqv Buonv-deic Fingx goux longx ndau mienh se dongh weic tiuv leiz-latc nyei moux deic. Qiemx zuqc caengx leiz nyei za'eix tengx jienv bun dingc duqv hnamv taux yietc zungv leiz-latc nzengc.

Liepc duqv za'eix caux ei jienv naaiv deix waac-dengv zoux cuotv daaih horpc nyei se qiemx zuqc zorqv guv jienv taux tengx zuqc pienx jiex nyei zoux liangx-ndeic mienh caux Meiv Guoqv Buonv-deic Fingx goux longx ndau mienh caux oix zuqc maaih hiaaux suonc caux ging taux guei-jei, ceix

henv nyei jauv, caux fong nyei zoux gong nyei yietc-nyeic. Oix zuqc maaih liepc duqv wuonv nyei zaah nyei yietc-nyeic maaih jienv moux deic, hlaau-soux, caux ndorqc ziangh hoc nyei sou-horngd daaih tengx zaah mangc caux bun dingc tengx duqv ndaauv mingh wuov hingv.

Mv gunv naaiv zeiv gorngv-zunh se lengc jeiv nyei mbenc daaih bun taux Zungx and saengv nyei liepc leiz-latc jien, oix ei jienv naaiv deix waac-dengv zoux liepc benx zingx leiz se qiemx zuqc dongh fiem horpc eix, buangv qaqv caux za'eix, caux njiec buonv yiem dauh dauh mienh dongh oix buatc zorc longx taux maiv baengh fim yiem zipv zoux liangx-ndeic ndau yiem California.

Tov doqc dongh buangv caux gorngv muonc nyei gorngv-zunh bun duqv hiuv gauh camv taux maaih cuotv daaih aqc nyei jauv caux waac-dengv taux hnavg haaix nor zorc taux maiv baengh fim yiem zipv zoux liangx-ndeic ndau mingh wuov ndaangc hingv.

Setv mueiz nyei waac-pox

- 1 Johnston-Dodds, Kimberly. (2002). "Early California laws and policies related to California Indians." California Research Bureau. Last accessed Feb. 3, 2026 from <https://courts.ca.gov/publication/california-research-bureau-early-california-laws-and-policies-related-california>
- 2 Hunter, M., A. Sorensen, T. Nogeire-McRae, S. Beck, S. Shutts, R. Murphy. (2022). "Farms under threat 2040: Choosing an abundant future." American Farmland Trust. Last accessed Mar. 16, 2026 from <https://farmlandinfo.org/publications/farms-under-threat-2040/>
- 3 Last accessed Oct. 2, 2025 from <https://www.nass.usda.gov/> with: Last accessed Mar. 13, 2026 from https://www.nass.usda.gov/Publications/AgCensus/2022/Online_Resources/County_Profiles/California/
- 4 "Land values 2022 summary." (2022). U.S. Department of Agriculture. National Agricultural Statistics Service. Last accessed Oct. 2, 2025 from https://www.nass.usda.gov/Publications/Todays_Reports/reports/land0822.pdf
- 5 U.S. Department of Agriculture. (2024). "2022 Census of Agriculture: California state and county data." National Agricultural Statistics Service. Last accessed Mar. 16, 2026 from https://www.nass.usda.gov/Publications/AgCensus/2022/Full_Report/Census_by_State/California/
- 6 Macaulay, Luke and Van Butsic. (2017). "Ownership characteristics and crop selection in California cropland." California Agriculture 71(4), pp. 221-230. <https://doi.org/10.3733/ca.2017a0041>
- 7 O'Connor, Teresa. (2024). "What the 2022 Census of Agriculture confirms about California." American Farmland Trust. Last accessed Oct. 2, 2025 from <https://farmland.org/2022-census-of-agriculture-california/>
- 8 Macaulay, Luke and Van Butsic. (2017). "Ownership characteristics and crop selection in California cropland." California Agriculture 71(4), pp. 221-230. <https://doi.org/10.3733/ca.2017a0041>
- 9 O'Connor, Teresa. (2024). "What the 2022 Census of Agriculture confirms about California." American Farmland Trust. Last accessed Oct. 2, 2025 from <https://farmland.org/2022-census-of-agriculture-california/>
- 10 "Fast facts." (n.d.). California Department of Conservation. Last accessed Oct. 2, 2025 from <https://www.conservation.ca.gov/dlrp/fmmp/Pages/Fast-Facts.aspx>
- 11 Sunding, David and Roland-Holst. (2020). "Water blueprint for the San Joaquin Valley economic impact analysis: Phase one results." The University of California, Berkeley. Last accessed Mar. 16, 2026 from <https://cawaterlibrary.net/document/water-blueprint-for-the-san-joaquin-valley-economic-impact-analysis-phase-one-results/>
- 12 "California's nature-based solutions climate targets." (2024). Nature-Based Climate Solutions. Last accessed Mar. 16, 2026 from <https://resources.ca.gov/initiatives/expanding-nature-based-solutions>



Oix hiuv camv taux Lorz Za'eix Zorc nyei Guanh caux gong-miengh nyei
haangh daauh nor bieqc mingh mangc yiem: sgc.ca.gov/initiatives/alei

*Naaiv norm Lorz Za'eix Zorc nyei Guanh se benx buonc California Lorz Za'eix Ceix Faux Guanh (SGC)
mv baac ninh ganh zoux gong ca'lengc caux maaih lingc dingc caux gunv nzengc ninh nyei fienx-waac
yiem ninh nyei gorngv-zunh. Naaiv deix zaah cuotv daaih nyei sic caux waac-dengv yiem naaiv zeiv
gorngv-zunh se benx Lorz Za'eix Zorc nyei Guanh ganh nyei caux maiv zeix SGC nyei a'fai Zungx nyei
Longc Ndau caux Za'eix Zorc Lungh Ndiev nyei Gong-gorn.*